



琴士詩鈔

卷九

涇縣趙紹祖著

孫同璋曾孫

鵬飛
蛟起

同校

喜張簪山至縱酒夜談

不見張生久相思似少文到門黃嶽雨連我幕溪

雲巴里歌會唱瀟湘袂未分翩翩能復顧剥啄慰

離情

簪山將為湖南之遊舊曾作詩送之不果行也今歲乃復訪我於幕溪之上

遠橐丹青至婁東派有聲名高九畫友品重四先

生無意逢真賞有心作此行

簪山偶得王烟客李檀園二畫特攜以示

余寒温猶未暇展軸試余評

行樽還促膝譙漏聽將殘酒以知心醉魂憐異域

單畫友周碧山舊與簪蟲聲雨前斷花影月中寒

寂寞悲遺冊挑燈欲讀難碧山曾為

老矣今何力無成事事虛神交多好事寄信索吾

書項筠圃張慕西皆未枉自羞藤楮真堪飽蠹魚

憑君談六法悟入折釵餘

有客都門去應知先著鞭相思成兩地賦別已經

年百尺竿頭路三秋雨後天升沉余自定不必問

神仙鸞仙周坦人謂崔雪堂百尺竿頭自有

我輩行藏在風流喜自誇枯腸出芒角縞素走風

沙無識悲庸史知名付鑒家自今須善愛莫謾說

塗鴉

含山子近讀蒙莊詩以寄之巧坑僧玉輝

道釋更相軋千秋犄角深寧知九轉火不及一圍

金胡抱蓮花骨翻多蝴蝶心悟來齊物論一笑不

能禁

下坊渡口

古渡截流過粼粼灘石清水聲奔萬馬山勢抱孤

城野店臨河濶炊煙接樹平漁歌何處響回首一

燈明

有懷僧巖石

時在湖南

三楚雲山外秋風憶遠僧扁舟江上去大別雨中
登竹寫湘君怨詩成山鬼憎歸來應贈我逸興滿
溪藤

同人夜集族弟孫年小圃

小圃朋交集當軒月正華分曹人角技一霎雨飛
沙醇酒有春意寒梅無仰葩養生同此理物性悟
來奢

喜盛春谷至

不見先生久於今十五年欵門驚是夢握手語相

憐老我雄心盡看君白髮鮮新詩差可愛猶得互
流傳

題張簪山為陳慕西作青甫先生讀書圖

慕西

師也

談經似揚子問字得侯芭遠想音容古空嗟著述
奢傳神欣有客落筆妙無涯此事堪千載留為藝
苑誇

梅林書屋有感

翁昔仙遊去余行竟未還西州常抱慟聳谷不能
攀此日留遺墅當門見好山卅年方一過不覺涕

潛潛

梅林夜雨有懷倪鑑平

時在湖南

爲想交情好頻年約我遊主人方外出客子忽來
投夜坐梅林雨心隨漢水流君歸應有恨時事不
相謀

望蘭石俞將軍墓雨不能到

忠魂埋骨處一徑繞山巔寥落行踪斷蒼茫雨後
天居人多古意指點說前賢不拜將軍墓吾心獨
恧然

胡烈婦墓

深閨有竒節烈士未能先皎日明同穴丹心殉所
天春山埋古雪行客聽啼鶻莫把女貞樹但將連
理傳

元宵後一日有招友看梅賦詩者戲作一律
以柬花

令節元宵過春寒未放梅忽聞芳樹下已有一枝
開主喜賓俱集花嫌我不來明朝須早到獨作好
詩催

王孝子詩

孝子名百順業皮匠尤爲難得也

誰知王氏子至性動人天工是民之細孝為行最
先用勞如一日泣血又三年廬墓終身志居然邁

古賢

三年後眾毀其廬乃歸

孝弟為仁本純儒愧事親節文原在禮椎魯倍能

真一意行吾志千秋有此身昔聞文與鳳今又見

斯人

余有文孝子震鳳孝子粹然詩

家家餽薪米嘖嘖偏仁鄉族有賢者侶能將此事

揚一詩傳卓行五字播孤芳

族某為作五言百韻詩備述其事

敬

告輶軒使采風慎勿忘

謁橫山廟

軼事同神禹心疑敢腹誹野雲連舊隴古廟颺靈

旗一壁功難就南江道更非土人皆敬事不肯食

全豨

偶成

翩然來不速無味強相攀熱客擾人靜冷官破我

慳一樽求可得貳簋設何顏可笑叟偏甚回頭自

看山

和呂幼心太守豐樂亭原韻

太守與民樂昂然留此亭泉噴幽谷綠山發野芳

青九老同斯祀千秋尙有靈徘徊神座下敢使我

心寧亭後有九老堂祀唐宋名守或書諡或書字或書官與地惟李衛公獨書名返而為之心不寧者數日冀我公之有以改之也

昔賢何必讓示我有周行政簡知民樂風醇在吏
良舟車嫌地僻滁商賈至者甚少山水引心長青史他年
筆傳公姓氏香

清流關和幼心太守原韻

往事問南唐雄關勢尙昂雲間雙劍合鳥道百盤
長戰氣今銷盡民風古號良此中有賢守不獨宋
歐陽

虎邱劍池

藏劍吳時葬秦皇鑿壁求霸圖皆渺渺池水尙悠
悠往事誠難問相傳或有由刊銘勞辨論自詡作
儒流

訪詩僧寰宗墓不得

寰宗吾涇詩僧與余先世有舊客死於蘇劉南

盧偕同社詩人葬之於虎邱

虎邱山下路策蹇且從容為憶高僧好來尋舊塔
蹤深林聞磬遠古徑有雲封欲去殊難忍回頭意
更恫

真娘墓

道旁驚所見草綠舊時裙為訪詩僧墓剛逢艷女

墳斜陽無片影夜月有歸雲白傅佳吟在高歌解我醺

題朱席珍小照

名聘蘭坡姪余時將自南翔返蘇

翩翩後來秀可以繼前賢喜得忘年侶相逢二月天扁舟去吳郡把手古由拳努力崇明德臨岐正黯然

自蘇至杭寓族姪聘臣公館

聘臣名世珍時為杭江漲分司

別後長相憶初逢反愴神官微憐汝病客久歎余貧樽酒先申意征衫未拂塵一門皆聚首異地倍

相親

聘臣弟仲文及其子皆在公館

泛舟西湖

武林門外步偕伴共呼舟煙水蒼茫際琴書汗漫遊春殘花事謝虹見雨痕收欲上雷峰塔三潭月已鈎

過蘇小小墓

短碑眠道側雜遝過游軒有客談佳話無人掃墓門鶯花春作主環珮夜歸魂遠寺聞鐘磬荒荒月一村

晚泊高淳湖

蒼茫杳無際晚泊水中隈不寐夜偏永無風檣似

摧人稀驚犬吠水響喜船來可厭舟人睡酣聲大
若雷

桃花夫人廟

傾城原有此息蔡一時亡廟貌居然在游人尙若
狂簾前嘯鳥換門外野花香千古貳臣傳可能心
共傷

滕王閣

偶上滕王閣飛飛蛺蝶來江天遙縱目雲物喜宏
開主似閻公少人無王子才客懷殊寂寞覽古獨
徘徊

皖江聞內子病

頻年長在外知汝困愁魔信覓鄉人問疑生夜夢
多秋風催木葉驟雨湧江波性急舟偏滯真堪喚
奈何

題崔金南寒蛩吟

未識先生面詩名有客傳昨宵一披讀清韻滿遙
天我亦高吟者常哦舊友編

謂雪

得君成二妙同

踞碧山巔

落落碧山上遙憐黃嶽高發聲振林木長嘯鼓風
濤漫說蟲吟砌如聞鶴唳臯况知多令德不獨作

詩豪

題彭筠溪全家樂圖

筠溪名輔周雲南霑益州人今為青陽令

小圃隨緣築宦遊卽是家愛民推夙志玩物惜春華
訟聽無留獄公餘早放衙一門同茂對樂事更何加

題柳濱垂釣圖

放艇高歌去毳毳柳十尋年華霜鬢改風雨一溪深
或兆龍鵬夢原無蕉鹿心得魚何必羨山水有清音

辛卯紀異

道光十一年

江勢不下注奔濤驚倒流連村無剩屋入市盡乘舟
鳥雀巢無所魚蝦樹上游仰祈神禹力鞭付谷王收

有以雅頌同文命題者此非歐陽公本意也
聊為賦之以當石鼓之歌云爾得蒐字一百韻

文章同雅頌獵碣記西周昔自陳倉顯今還太學
留當門排十笏歷世更千秋不定文宣造無疑豐鎬
休非熊初入夢四牡駕言遊渭水元璜得王城赤芾
修萊山植虞表因隙講時蒐將士騰千騎君

王駕六駟三驅羅虎豹七校擁貔貅拂日開龍旒
翻霞動畫旂餓鷗聲箭急錦馬望雲稠坐作山俱
靜奔馳水共流弓鳴蒼隼落劍擊白猿愁揮犬還
隨軫呼鷹忽脫鞵從禽嚴訓誡習旅想綢繆酌醴
賓同樂獻豨心更悽充庖惟下殺驅逆自旋轉野
曠無驚牧農閒未釋耰畢榮調鼎鼐方召賜圭卣
著作收髦俊干城足好仇何人推巨手作賦頌皇
猶浩氣噴江海儲材簡勃澥歌成天子慶寫此萬
邦揉鑿險嵌寒壁剜圓比大球奇銘開築削奧語
紀貆臄鬱律縣秋蚓盤拏走玉虬薤披飄鳳尾蠶
卷落銀鈎缺畫欹藤蔓枯形逼髑髏珊瑚交碧樹
矛戟雜岑崑搢頡遙追帝窮揚徧問侯細觀頻畫
肚欲讀忽箝喉茆草禾初秀披雲月尙瞽得真神
自躍已信目重搆靜夜資搜剔空庭作咿嚶偏旁
推一一波拂想悠悠貫柳惟魚鯉鹵弓卽鹿麇趨
簞粗可識旛驥頗能紬漸覺文俱順翻知義更週
雄辭敲玉碎逸響薄雲浮盛德非離黍明時憶咏
騶車攻勤講武時邁遠巡侯吉日田從禱敷天命
對哀威靈誇震疊遠邇盡懷柔川岳隨安奠神祇
想允猶應同清廟薦得與鹿鳴酬金奏聲知巨工

歌韻獨道對揚奚有愧燕饗定無尤轍迹窮齊楚
殺函阻逗遛名卿隘西俗至寶隱偏陬正樂因遺
此編詩竟未收新宮篇已逸狸首句難讎遂使琳
琅美如同瓦礫投強秦陳法律悍俗厭軒轅灰劫
悲書冊機關殫魯鄒恣橫方作焰掎擊豈無憂定
賴鬼神護常煩苔蘚擷牧牛時厲角野火未焚蘇
白璧幸完趙金刀欣兆劉抱殘勤顧慮保闕日優
游挾冊新除令搜竒豈有由沉埋藏草萊戰伐闔
戈鉞六季還潛彩三唐大顯幽探竒崇李品好古
發韓謳蓋覆期簷厦遷移裏席裯媿嬰誰著手感
激肯爲謀置序初傳鄭繹文始自歐從茲光鼎價
因且以金鏤飄泊離河洛遷徙到北州疏通由此
盛疵類於中求篤好時藏枕攻瑕亦借籌紛爭如
敵國疑信畫鴻溝或卽先賢語重操入室矛自堪
鎮嶽瀆何用撼蚍蜉落落神偏旺怱怱美豈俯嶧
山風颯颯碧落鶴颺颺冰弱奚能擬包庸未足儔
幸非淪濟水猶得薄岫嶺况是鈞天奏寧如暮燕
啁高文達醇意莊重絕俳優浮靡南朝豔粗豪北
士羞敷詞皆雜逖衆噪等嘈啾豈有宇文置能將
三代侔腐儒無好尙慕古似飢調未覩雍宮盛頻

于拓本搜丹黃窮妙墨晝夜豁星眸石壁鴻都散
銅盤汝刻勾玉岑遺古鼎鐘觀出重樓漢尺題躬
校秦泉帶自舟瓦當哀種種碑誌讀悠悠隨筆聊
成記懷疑每有諷已看千百集差幸二三蹂誰若
岐山鼓珍爲席上璆象形異科斗雅調繼麟鳩揚
厲無矜伐鋪張絕競綵倘教入篇什定不別薰蕕
簪筆今如見隆功遠更脩丙申雖可紀甲乙竟終
度裝潢爲藏弃摩娑憶向疇操觚疑史籀未見惜
尼聖節取文忠跋是非果定不

到茂林村寓吳位三別墅

墅名叢竹山房

仁里吾初至征衫未拂塵溪邊方問渡使者已迎
賓舊雨爭爲主天涯本若鄰入門邱壑美有道犬
雞馴下榻留徐穉開樽似季倫羣稱半刺史我識
老詩人挿架竒書滿撚髭妙意新青山留好客叢
竹憶前因位三有叢竹山房夜宿同佳聲時同左
村卽位三晨興訪衆姻雄談消永日公事得閒身
之婿也髯僕勤無怨諸郎意更親來朝馳馬去長此飲君
醇

送鄧石如旋里四十韻

石如不來涇者二十餘年矣十載前曾於

白門一面今秋為廣陵之遊迂道來訪喜
其重至與之同遊琴溪幕山水西諸勝且
為朱姓書學宮禮器碑留連十餘日既而
有疾遂勸其勿往廣陵買舟而歸為敘其
事作詩以送之不知尙得相見否也

廿年如彈指十載不相逢忽向揚州去言尋涇水

蹤溯流來訪友念舊正愁儂故老凋零盡叔台巖兄平山

元一皆石如舊悲歌意態慵相憐真惻惻握手更

憧憧地僻名山好賢來遊興濃自言曾屢到未得

少從容藉我為東道相將出北墉驛塵揚黯澹佳

氣望葱蘢古道平如掌長橋卧若龍仙人乘鯉去

洞口有雲封夾澗橫千嶺臨波聳一峰摩崖觀篆

籀剔蘚厥蒙茸山有宋劉誼林竹徑穿林倦居人

禮客恭肴蔬多野味餅麩出家春入夜憐殘月侵

晨索早饔回車遵舊軌大幕正當衝弔古思唐守

乘城有大庸青林方破賊黃嶺尙傳烽此地屯軍

密當年開府重自大幕上至小幕皆野花圍舊壘

兵氣靜禪鐘忽忽尋三寺殷殷問五松河干風颺

颺渡口水淙淙上下聯雙塔登臨仗短筇大觀摹

古刻塔上有大觀石刻一指避狂蜂過一指庵誤

踐其菜幾為

園丁與盡歌霜露言歸到辟雍欲尋黃叔度學博黃細

庭石如同鄉人恰遇郭林宗訝昔知名久欣今聞足楚疏

璃同舉盞琥珀盡斟濃戶大如秦楚吾衰比邶鄘

如椽常自負有客忽相從朱題鹿角雄談折雷尊

闕里供兩廡陳俎豆東序設鐘鏞妙意思韓勅書

成似蔡邕沉沉方一樂戚戚已無惊咳唾風飄玉

呻吟響答蛩君行猶戀戀吾意甚忪忪旅次誰為

伴殘年况逼冬分無騎鶴望宜作閉門傭送汝登

舟去潛然涕滿胸

鵠鷓三十四韻 代人應試

有鳥當春故故鳴朝朝野外喚春耕聲傳穀兩兼

芒種啼徧晨陰與夕晴正值協風方告至似催品

物慶齊亨韶華先報時初急稼穡思艱候欲爭粵

自農祥侵曉正還占斗柄指東傾土膏動脉勾俱

達木德司天甲盡萌活意向涵微露潤生機潛發

震雷轟草舒作帶天然巧榆放為錢製作精楊柳

晚煙千樹合桃花流水一溪平芄芃秀麥雲低捲

漠漠芳畦繡欲成陌外無端聲乍囀田間有意聽

還驚紫冠竦竦迎風舞黃褐斑斑映日明呼婦枝

頭尋舊侶穿林深處踏繁英欣逢飛絮調音好競

逐遊絲拂羽輕啣得蜻蜓常過屋結將鷗鷺許同
盟依稀不定如聞語仿佛云何亂喚名谿勃婦姑
干汝事脫來禪布勸誰營插禾割木心奚熱布穀
催科意更怍未足攜柑從密蔭竭來買鏡赴春城
新泥滑滑深三尺野水盈盈碧一泐南畝笠聲搖
軋札東菑臺影看縱橫荷鋤客去穿花徑帶月人
歸隔豆棚白屋村頭偏蘊藉烏犍笛外更淒清蛙
鳴閣閣千畦鼓鶯語綿綿夾路笙水郭遙瞻翻白
鷺晴沙空自占鷓鴣紅霑絲雨餘春送綠滿針塍
首夏迎

聖主深恩勤蒞屋

躬耕有典念齋盛日咨保介還行野禮逮公卿况
爾氓千畝旣終知大有三時不害自敷榮玉禾翼
翼神倉貯金粟垂垂

御廩盈始識有聲皆獻瑞縱茲微物亦呈禎化鈎
常作懷中寶刻杖還扶老者行率土西成咸鼓吹
大鏞東序正旬鏗紛飛上苑棲遲好聽爾踴踴舞
五韻

琴士詩鈔

卷十

涇縣趙紹祖著

孫同璋曾孫

鵬飛蛟起

同校

送伯父築巖北上

一門相餞到河干
 隔岸西山雪未殘
 寒色遠來侵短褐
 詩名久已滿長安
 共知綵筆傾先達
 自分青氊博洽官
 伯本以教習
 候選教諭
 三月薊門春尚早
 杏花開處萬人看

勇里

漢孫策擒太史慈處
近猶有掘出箭鏃者

東山登處想前雄
 太息孫郎氣不同
 到眼新畦連

草綠拾來舊，鏃帶腥紅。萬家屋瓦開，城郭一路松。
楸戰雨，風古廟殘碑。動惆悵，軍屯如在畫圖中。志稱

太史慈屯軍府在山頭

桓嶺

晉桓彝墓在此故名

為弔忠魂，獨上臺荒荒。古墓亂峰堆，英雄一死青。

山在風雨三更鐵，馬來童子爭談前代事。野花閒

傍戰場開，俞公蘭石桓公嶺。

蘭石彝將俞縱死義處與桓嶺相去三十

餘日有孤雲自往回

桃花潭

打槳桃潭沂異源，波光蕩漾碧無痕。春風十里汪

倫意皓月千山，李白魂遺唾化為丹。巘譚上山非極

佳俗稱李落花斜點翠雲尊，放舟更入前溪裏。隔

白唾所化岸歌聲起，遠杳

水西

水西樹杪出樓臺，舍棹頻遊屐印苔。思入霜貂秋

意動，花留紅白雨中開。大中天子乘龍去，千古詩

人載酒來，欲訪潛宮何處是。連雲大殿好徘徊。唐宣

宗水西詩大殿連雲接賞溪

琴溪

琴高一去釣臺虛，控鯉無仙客策驢。村店半開溪

外口人家多在竹中居空山古洞遺丹竈上已春
波湧小魚但見如椽陳孝筆仙峰二字色飛余縣人

陳孝大書深刻仙峰二字於琴高山頂縱橫數丈往來行人望之色飛

台山明許文穆講學於此因於寺傍建雲龍書屋今廢

台泉山上台泉寺相國談經不礙禪半壁蒼苔藏

舊刹一時弟子盡名賢鄉先輩查毅齋蕭拙齋慕渠念渠徐白水與家肖軒

公俱從遊側聞書屋留遺址時議復欲振人文繼往年

此後下帷凡有幾神龍誰見攫雲旋伯甄溪曰六詩虛實兼到

非徒流連光景者比

寄兄庭山

十年長弟本為兄兄弟忘年作友生文到性情方

有骨詩多感慨不成聲茫茫世事駒過隙落落生

涯舌代耕莫更狂歌驚俗耳從來見嫉是豪英

寄五叔雲起時叔借榻台山雲龍寺

苦憶當年勗我勤清渠閣上細論文看花載酒尊

常共即景裁詩韻不分未許年華閒裏過偏驚風

雨夜中聞祇今春水乘時漲應有潛蛟吐絳雲

借榻台泉老衲鄰等身書富不嫌貧山阿薜荔來

山鬼古洞桃花見古人慷慨有懷前輩事等閒時

拂舊碑塵許文穆設帳於此後葉太僕玉城立碑紀其事遙知把酒臨風

處高唱雲門似有神

采石濟江

擊楫中流第一程
布帆遙指石頭城
雲間氣繞三山色
樹杪波翻六代聲
捉月樓虛仙已去
然犀渚靜浪無驚
興來高唱元暉句
依舊澄江似練平

谷曰氣體深穩是盛唐人吐属

方正學墓

北平燕子欲高飛
千古難逃一字譏
萬國冠裳拜龍詔
九天宮殿哭麻衣
青山綠水環君宅
夜月淒風接帝畿

謂孝陵 依盛春谷曰可匹高青邱岳墓之作

景忠烈墓

遺恨空懷袖裏刀
占天早已驗緋袍
一時血濺土花碧
萬古光懸星斗高
華表柱前魂共語
長江檻外氣飛濤
景公墓接方公墓
老樹悲風夜怒號

報恩寺登塔

披險登臨信壯哉
茫茫今昔亦堪哀
千張帆影窻間落
萬里江流杖底來
驟雨無邊連極浦
罡風不住撼層臺
麒麟寶閣人何在
贏得浮屠四面開

金陵懷古

金陵天塹帝都鄉南北瓜分此一方地湧金湯成
虎踞江燃鐵鎖下龍驤黃旗無氣開荆楚青蓋虛
占入洛陽不用生悲禾黍異當塗銅雀已蒼涼
新亭回首欲消魂舉目河山泣暗吞豈有夷吾安
社稷誰同士雅誓中原江東草創猶堪治名士風
流何足論搖扇避塵王太傅可思誤國愧陶溫
當年殷浩負才名咄咄書空祇暗驚此輩惟宜束
高閣斯人一出繫蒼生楊花作雪渾如舊燕子尋
巢尙有情遙望淮南山色好神飛草木走秦兵
存曰渾灝流轉無迹可尋

夜半長星天外橫艱難帝業幸粗成黑衣宰相承
冠履白面書生問織耕應悔北征招代馬胡爲失
計壞長城司空脫幘真堪惜繞郭潮聲恨不平
誰爲家國恤艱難殺却袁劉博大官忠孝一門何
惜死朝廷四貴自相殘還憐舉止羞寒士謾說風
流比謝安我作齊書今已竟彥回仲寶可曾看
後堂俱祀蔣王神玉壽仙華別殿春賦頌西京惟
有鬼書陳北闕更無人貼金蓮起新宮步射雉騎
飛紫陌塵空把隆昌作遺誠東昏昏與鬱林均
賣兒貼婦起禪堂贖帝錢多聚上方地缺金甌真

失計廟非血食已先亡江鷗野雉鳴宮殿白馬青
絲來壽陽但說浮屠能禳福不聞丁甲逐豺狼兄

存曰一氣鼓鑄三四語尤警健

蔣山鐵騎似雲屯擒虎兵趨南掖門玉樹歌聞明

月夜臙脂井覆美人魂大江王氣千年盡落日寒

潮萬馬奔空有高情江僕射攝山泉石好詩存兄

存曰神迴氣合老手擅場

周家姊妹寵專房醉舞宮中夜未央別有新粧高

鬢朶重翻舊調譜霓裳雲籠遠岫愁千片雨打孤

舟涕萬行二句李南望石城堪太息念家山破斷

人腸盛春谷曰李煜原句未免涉纖用來乃別有情味

六代遺踪未忍忘前朝舊事最蒼涼漫言晉宋資

南渡何異柯槐作夢鄉跋扈專兵皆處仲風流顧

曲豈周郎惟留閣部梅花墓烟繞蕪城萬樹香陳

琴曰十詩皆淋漓頓挫論古有識不落許渾劉滄窠曰章犀臺曰巨刃摩天鯨鯢掣海以此嗣響

杜陵何慚北地

登燕子磯

山尖如削拗且幽直登百尺之飛樓半空風雨推

波立深窟竈鼉挾浪浮峭壁重重環建業飛帆葉

葉下瓜洲危磯一上驚心目落日商飈動客愁兄

存日雄
卓得勢

台山贈僧雲石

樓臺掩映出林端
策杖登臨放眼寬
夾徑松杉千樹合
滿天風雪一僧寒
碧雞飛向空巖宿
玉磬聲尋古洞看
山有玉磬洞以石投之
皓首龐眉迎我笑
捋鬚有客共盤桓
謂雲起

次陳敬師西山亭登眺元韻

敬師宣城人

峰巔拗折聳危亭
獨立茫然醉未醒
吳楚望中分帆影
江山詩思入雲屏
萬家屋瓦連孤岫
幾陣沙鷗占淺汀
不用登高悲作客
鯤魚終自起蒼溟
原詩

有涸轍何由到北溟之句

訪陳碎琴

碎琴名遇披緇衣自云陳元孝後

廣州奇產重江東
果有名材迥不同
人似翁山登太華
詩如元孝詠諸宮
却看綠竹藏茅屋
特到青溪訪寓公
載酒莫嫌吾屢過
長干三月雨濛濛
叔肖

客感

巖曰用事恰到好處人以詩傳矣

雨雨風風總未休
鷓鴣嗁遍賃居樓
白門新柳俱成絮
三月餘寒尙憶裘
爲客側身天地在
大江無語古今流
奚堪水閣鳴鳴笛
併入潮聲咽暮愁

南城遇汪醒弁即共登酒樓

醒弁江寧人各炳文

風起楊花春暮天石城傾蓋得名賢君能好客如

文舉我亦登樓憶仲宣

嘗耳醒弁之名於王經大

江上山多皆

入畫樽中酒盡不論錢興酣同步花臺上更點城

南第二泉

文信國祠

春殘何處好幽尋信國祠堂草木深映日花光紅

拂檻到門山色翠沾襟兩淮義士同揮涕三載孤

臣祇此心辛苦揚州李樞密六州鑄錯恨難禁

獨登大觀亭

萬里岷江檻外趨來連九派去三吳峭帆葉葉飛

秋浦積翠重重自小姑江上有雲千頃合天涯無

侶一尊孤亭邊尙有忠臣廟弔古深情碎唾壺

余忠宣廟

余公祠宇未荒涼忠節坊邊清水塘百戰貞魂依

皖口千年遺恨滿鄱陽全家大義光泉壤終歲居

民奠酒漿橐橐履聲君莫到廟中淨土是元疆

戲贈姚和聲即寄其弟秀山

和聲蕪湖人喜奕其弟秀山一

時高手常客揚州

無端坐隱反生爭客子囂然氣不平此有定衡同

飲酒力酒量不如歸去作難兄十年舊約猶能憶

一藝馳名未敢輕余十餘歲嘗從秀山奕秀山謂可至國手但恐薄而不為耳

寄語蕪城江上客學書學劍竟無成

送陳白門先生旋里白門名森江寧人官涇縣教諭以星誤歸

最是不堪相送日清明時節雨霏微

皇恩僅得三年住士意爭留一日依風月湖邊初

放棹短長亭子又斜暉袖中諒有新詩卷攜我涇

川山水歸叔肖巖曰詩極清麗

九日登高有懷魯星村時聞星村在當塗

蕭蕭木葉亂峰堆匝耳濤聲萬壑哀九日風光誰

我共三秋懷抱幾時開龍山又落參軍帽菊酒頻

傾員外杯遙憶登高長嘯處可能相念一低徊

丁溪

丁溪一路望蕭條山勢虛圍十里遙亂屋零星依

澗壑百年生計在耕樵地非甘谷人皆壽春到桃

源客未招獨有長吟溪上者閒收佳句入詩瓢

野老

野老柴門傍岸開長年赤脚集巖隈小童石疊前

溪密上水魚吹細浪迴舉網有鱗都貫柳得錢沽

酒莫辭杯何年我亦編茅住日把長竿潭上來

望月

望月庵邊月正華無端忽起片雲遮陰崖作霧愁
山魅深屋吹燈聽鬼車半夜烏唬原上樹荒村虎
踏雨中沙西山鐘磬東山鼓隔岸相聞遶水斜

驅犢

驅犢荒原一小童穩騎牛背嘯春風晚來鐘磬上
方發挈伴歌呼返照中雲惹高山衣尙濕花簪簪
笠鬢俱紅有時顧我都調笑指點神情不易通

老竹

老竹千竿繞寺門呼童挖筍破籬根剝來鼠尾尖

頭玉

鼠尾尖峰石

憶到琴溪原上村出土令充方物貢

揀肥分佐大官飧嘗新此日休嫌淡堆滿僧寮老
瓦盆

山僧

山僧絕早前山去薄暮遙從山頂迴春雨一肩香
忽到幽蘭百本箭都開竹籬顛倒連根種瓦鉢參
差任意栽晨起白雲團不散隔林無數蝶飛來

巖曰一氣旋折是坡公得意之作

野人送韭

時借榻丁溪西山庵

青葱百本繞畦寒滿饋筠籃勸佐餐冒雨已勞攜

快剪嘗新初欲試春盤齋厨不礙葷蔬好非于蔬為葷而

僧家不禁一食須將九種看感汝深情吾未報濁醪沾

得共言歡叔肖巖曰是放翁學杜之作兄

霖雨一晝夜山水暴漲橋傾市隔幾至絕糧

賦得一首

霏霏山霧布來重日日溪雲墨似濃急雨一天翻

壑谷陰崖半夜走蛟龍隔河市近呼能應截渡橋

傾路斷蹤不向齋厨愁米絕為憐野老計豐凶

哭族姪季思

秋風秋雨秣陵城知爾饑驅不為名旅食寄人情

覩覩病中見我話平生一枝竟向霜前隕片羽真

同屣脫輕最是淒涼同作客不堪死別倍傷情

與弟繼之城南閒步遇汪醒弁即登雨花臺

觀劇因話別

提攜兄弟古城隈好友相逢得暫倍野曠天清初

縱步風高葉落忽登臺法王花雨存空相遜國忠

魂動舊哀時演前明千忠傳奇而今昔茫茫生百

感天涯明日一帆開兄元一曰一氣渾酒題中

寄雲起五叔叔舊館台山故號台巖

台峰雲與巧峰齊作雨隨流過幕溪時余館幕雨

立溪邊心欲醉雲飛峰外望猶迷僧能問字皆堪
友謂見明玉輝二仙可名山不礙低而巧坑無聞

但恐兩峰爭舊主題詩一笑暮雲西

同兄偉堂在中登凌雲亭因過甘露寺訪住

持希聖

直上凌雲最上層追隨屐齒快同登霞蒸水氣通

瓜步潮捲風聲到秣陵空際有香聞古寺叅禪無

語對閒僧年來塵俗生憎滿妙諦新機得未曾喻

農曰李何遺響

金山

突鎮長江地勢雄岩堯樓閣聳寒空寺留東晉斜

陽外人在南朝翠靄中一柱山浮千頃水四圍帆

落八窻風石簾下闕龍鼉窟獨倚危欄弔郭公

同在中晚登月華山

月華山頂聳嶒嶸有客同登趁晚晴十里帆歸揚

子渡萬家烟繞潤州城飛飛鳥去雲無迹漠漠江

來風有聲昔日王恭樓尙在不堪高唱倍關情

同徐菊裳王荃谷楊清橋卞春臺暨兄偉堂

登吐納煙雲閣

尋山最好是同羣游興吾能張一軍百尺欄干高

入漢千盤石磴踏連雲海門煙樹窻前合鼇背樓
臺望裏分尙有名流題額在閣名爲王夢爾時佳
話我曾聞夢樓跋梁聞山書自謂時人有

觀徐菊裳所弃書畫後偕諸同人過大石山

房憑眺返飲菊裳書舍次兄偉堂韻

披拂山圖暢我懷憚道山四山圖最佳沿堤小步又登臺愧

從今雨聯鑣後好仗家雞作賦才翼懸雲迷三楚

色蒼茫風折九江來興闌仍聚芳齋飲燭影紅搖

婪尾杯

算山懷古

幾使降幡誤乃公一時謀士盡憧憧烏林風激潮
頭箭巨艦灰飛江上峰往事千秋留史乘算山半
壁簇芙蓉周郎年少紆羣策不愧聲名配卧龍

潤州城樓

參差雉堞繞雄州岷水東來萬里流不變京江作
春酒可堪鐵甕貯深愁中年抱病常爲客二月看
花更上樓白鳥煙波偏浩蕩一雙飛去自悠悠袁簡

齋太史曰雄偉似七子

潤州懷古

萬里岷江滾滾來朱方自昔霸圖開蒜山壁立東

風壯瓜步潮驅代馬迴劉宋尋常遺井宅蕭梁行
幸有樓臺稼軒老去雄心在一闕還傳詞賦才

王氣銷沉草木橫徒兒浦外暮雲平雄開宋帝南
徐鎮勁絕劉家北府兵人有流風思鶴斃酒須浪

飲買京清樽前休唱丁都護落日寒潮咽恨聲朱梅

圃曰俯仰有情非徒以典麗高華為貴

喜晤鄭竹坡

名煥板橋先生弟

琴溪曾記訪余時七載風流別後思尺素未通牛
馬走一篇常唱鷓鴣詩酒懷京口梅初冷春到邗
溝柳正絲莫怪鬢毛非昔日丈人筋力未全衰

贈劉湘南

揚州人

片葉南來泊市河蕪城三月客初過雨中訪友春
泥滑柳下逢君青眼多棋局一聲敲院落文心千
疊鬱嵯峨鬢毛未改身猶健豈向深山老綠蘿

次章省三雨中見贈元韻

名佩曾

煙月蕪城夢裏思布帆恰趁客來時不堪泥滑欺
遊屐喜有談鋒入酒卮翠髻三峰天外影紅闌十
里雨中詩來朝共訪康山去聽取琵琶絕妙詞

同章省三邗江阻雪

邗江風雨苦連綿恰喜同君牀對眠寒士途逢三

月雪客窻話到五更天
桃花舊恨隨流水春日長
愁似小年我欲問農傷
歲末來朝着屐麥田邊

泛舟虹橋

放艇虹橋兩槳間
鶯歌燕語聽間關
綠楊萬樹剛三月
紅榭千家祇一灣
往事銷魂惟此水
隔江縱目有層山
蜀岡飛雨飄空翠
濕透春衫未擬還

齋太史曰三四極自然非同湊泊

再過魯子敬墓次兄偉堂韻

昔聞擇主渡江遊
長此埋香土一邱
春事已隨紅作雨
東風常借綠盈疇
英雄合過周公瑾
豚犬奚堪孫仲謀
太息襲荆千古恨
墓門蕭瑟夜鳴秋

舟泊黃天蕩

寒潮夜射八千兵
聞說蘄王此戰征
婦女有才能報國
英雄失意善全生
江雲漠漠船初到
故壘蕭蕭草不橫
回首金山遺廟在
靈旗披拂潤州城

有懷袁簡齋太史

忽憶先生翰墨緣
賓朋雜遝滿春筵
著書不下三千卷
知己將期五百年
近自名山回白下
聞自武夷歸
定攜佳句問青天
秦淮亦注涇川水

涇水自蕪湖入江直

送相思講席邊

人日探梅有懷梅石居

竹外籬邊見一枝西山山下策驢時梅花風味如
前輩人日登臨憶故知祇守菹鹽貧亦好苦耽金
石癖何辭殷勤著作別來久定有奇聞慰遠思
袁簡齋太史曰大雅不羣梅石居曰作者感懷詩云籬邊梅似真名士余幸以姓好得此兩好詩

秦

金泥玉檢徧天涯蓬島神山望更奢仙藥何方回
大海鮑魚有臭滿歸車咸陽丞相思黃犬芒碭真
皇斷白蛇贏得桃源無漢晉秦民千古話桑麻

楚

書劍區區壯士羞萬人敵亦付東流沉舟決去爭
驅鹿衣錦歸來笑沐猴亞父空勞提玉玦漢皇先
自負鴻溝須知大勇仁兼禮魯國儒生尙守陬
兄

堂曰結似腐而有味朱梅圃曰以上二首結句皆另出一意使通章陳處皆新

漢

外戚纔夷產祿驕何堪覆轍五侯豪周公制作偏
驚絕文母春秋轉恨高不有真人生白水幾疑漢
運折金刀可憐伏董駢屍後新冊中宮又姓曹
胡

阿曰五十六字中漢四百
年事如指諸掌真是奇作

蜀

崎嶇劔閣走金牛
炎運猶教僻地留
一代風雲魚得水
三巴蛇鳥石鳴秋
君臣有子光前烈
鍾鄧無生返故邱
杜宇聲聲啼不住
異鄉安樂不知愁

鐵蘭四首代人次韻

巧匠非誇錘鍊難
天池剪出秀珊珊
天池姓湯剪鐵花最有名

此花賦性原同鐵
肖象何工恰似蘭
入自紅鑪經

鼓鑄來叅玉板共
高寒奪胎換骨尋
常事素魄貞

心一樣看

一叢燈下映寒衾
紉佩無勞沅水尋
百鍊抽來驚

繞指九歌譜出有
芳心着花豈必晨
沾露點鐵何

須色變金幻處是
真真是幻化工天
巧重球琳

玉樹參差秀出羣
此花合得比清芬
斷金本欲占

同臭躍冶非關歎
自焚片片似縈湘
澤雨枝枝猶

帶華山雲封姨莫
漫輕飄落堪爲園
林張一軍

賦物能教意態窮
黑金香草句尤工
原詩有黑金香草之句

詩來屈鐵憐才子
老去看花笑霧中
欲掃枯腸芒

角出更無綺語臭
蘭同憑君造鳳雕
龍手一瓣微

拈碧玉宮

見明上人過訪臨行口占贈之

無端忽憶巨然師
恰值僧寮訪敝帷
一夜閒談茶

當餅清晨澌墨畫成詩疎林落葉方同看棕帽芒
鞋便欲辭別我飄然何處去黃昏風雨正來時

西上人約看寺後白桃花

辜負桃花空自春忽驚倦眼發芳新數枝標格還

欺雪一種風流亦可人栽自劉郎前去後余甲辰借榻此

院尙無此花禪叅古德悟來真欲題綺語無安處幸借

瓶泉洗我塵

幕山感懷十首

幕山軍壘上摩空老木荒荒戰遠風七載仍來慚

故我一僧猶在慰飄蓬謂西上人開缸蟻潑春尊綠煨

芋香分夜火紅已是少年豪氣盡安心借榻梵王

宮

平分僧院與僧鄰聊學長齋養病身尙喜聯床眠

夜雨弟繼之遙憐橐筆走京塵叔肖巖弟夢得圍棋局定方

思變種菜心灰未認真寄語巧峰峰頂客叔雲一起

般意象可猶人

江上無端寄遠思空齋獨坐耐愁時籬邊梅是真

名士屋角山如老畫師數幅香光留粉本邵東田所摹者

以贈一編天冊綴殘碑梅石居考年來契濶龍山

客久不得鄧石如消息欲問行藏近所宜

昔年望路哭羊曇苦雨淒風逼漢南舅父翟雲樓

不此日登高悲宋玉暮雲深樹弔桃潭虎賁在座師自楚歸病

推形似書人有謂余鳳尾抽梢憶酒酣舅善前輩風畫竹

流今已盡師門寂寞我何堪伯修遠師皆早下世

不必他山借所資一門儒雅足吾師鄭公霜鬢微

官老謂族兄白傅青山獨往宜謂族兄穎存杜門

于山水間幟拔騷壇差許我詩探古錦更貽誰梧桐竹

實尋常有偏使鸞皇歎忍饑

凡今誰是出羣才但道無憑理未該片石有雲能

作雨巨鱗久蟄忽聞雷星占奎井賢人聚江寧韓

木星垣懷寧楊皖江當塗黃左病卧春山倦眼開

辛苦窮途吾老阮叔肖灞橋策蹇賦歸來

琴溪一律壓宗公赤鯉青山兩句工袁簡齋太史

谷同遊琴溪春谷詩先成有句云赤鯉去湖上論

交憑尺素春谷初以魯山中聯唱及春紅後復訪

溪西丹徒囊盡羞岐路盛後相遇黃嶽詩成趣遠

風魯自黃山歸遂不復江外雁書今斷絕欲攄懷

抱更誰同

青氈兄與弟相依弟繼之相依每念先人涕未晞

兄挂大弨悲壯士余以目弟思怒翼息雄飛文章

憎命過魑魅窮達由天枉是非小立空階談夜月

不知微露濕人衣

袁簡齋太史曰琴士近體純是唐音不落宋元以後真豪傑之士

士挑燈讀其近作令人之意也消矣

題柯丹邱墨竹

石室坡仙不俟余庭空月落影皆虛早聞薛老談

垂筇復得須江說草書

薛耀亭球如臯人後鐵峰禮無為州人皆喜畫竹然

二人所詣亦不能副其所言也

二客但能言到此後生要使筆何

如幸留一副丹邱子不厭千回卧起徐

李椿田比部孫樸亭司訓同過幕山見訪

昨夜燈花映几紅清晨簷鵲噪東風賦詩茅屋留

禪榻隱耳高軒過巨公檻外有禽呼客到牀頭無

酒愧樽空惟看壁上瀟湘影差入名賢阿睹中

時懸

柯丹邱竹於壁椿田嗟賞不置

次吳虞九復齋落成原韻

卜築南村樂便安依山拓地數弓寬高才豈肯田

園老 聖世真教隱逸難

原詩有鷗鷺情懷耽野逸之句

材要棟

梁成室巨味調鼎籛望梅酸相知况是盈天下貢

禹冠能不自彈

竒花異木傍簷栽傳自巖巖守道來到我柴桑相

對語羨君邱壑一胸開

石太青過我云君成一大別墅甚佳足知其胸中大有

也邱壑三間雖小堪留客百罰無嫌數舉杯正是延陵皆季子就中惟有出羣才

豈是天涯若比隣相交不少素心人但因舊戚求其友

余與虞九本中表兄弟

未到仁鄉笑此身他日倘從溪

上過叩門願作座中賓莫嫌疎脫重拋我爛醉樽前麴米春

除夕自慰

一聲爆竹歲將殘辭歲人歸夜又闌棗栗滿盤堆磊落妻帑圍火坐團樂詩能享祭腸先潤貧不送窮鬼亦安鬱壘神茶休笑我本宜寒士在家寒

題趙仲穆圍獵圖

圖係摹本

集賢公子最風流妙蹟難將意態求當日射鵬來塞外幾年逐鹿遍中州萋且白馬悲新客荆棘銅駝泣故邱慘澹風雲思落筆蒼蒼古戍入高秋

次韻答盛春谷

誰非天上蜚聲客殺翮奚緣共向隅江瘴煙蠻君獨久簡殘蠹泣我何娛門前十載無新雨嶺外重來看故吾回首可憐霜鬢改高陽散盡舊時徒

盛春谷往新安數月返涇見余抱病匆匆言別卽送其行兼呈候貞友

秋風搖落閉門居太息年來故友疎沈病江愁吾
 卧久霜寒水落子回初征衫尙帶新安雨別恨旋
 隨長者車倘過鳩江見侯喜貞友時在觀察幕爲余問訊
 道何如

歐陽晦斯招飲又一村因懷令兄

碑亭巷口故人居又一村邊結小廬

晦斯宅在碑亭巷又一村

其別墅也

黃菊紅茱招我飲紫貂玉管看君書

晦斯喜作書

雲中飛雁銜蘆遠江上梅花入笛初

時久不見令兄聞道

文君新織錦將母消渴病相如

秋日秦淮喜侯貞友至自鳩茲兼詢朱玉寒

近信

渺渺余懷寄碧波秋來搖落奈愁何故人恰趁江

潮返往事渾疑蕉夢過白下新詞唱楊柳

貞友見示新詩

甚佳且云友朋索者甚衆故刊以代書

黃山舊約憶煙蘿寥天征雁

無留影惆悵西風夕照多

得潘蘭如書言欲選詩以繼某選余謂所見

未廣不如祇循篋中感舊之例尙是本色

否則徒取佳名仍蹈故轍率爾賦此亦未

敢以寄潘

騷人各各振瓊琚流別雖精大雅希一代宗工操

玉尺千秋怨女罷寒機比鄰曾產家家玉义手初
成字字璣江上雁書今又到篋中感舊倍愁余時

欲刻師友淵源
集不能成也



